

განმარტებითი ბარათი

„საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონში ცვლილების შეტანის თაობაზე საქართველოს კანონის პროექტის მიმართ

ა) ზოგადი ინფორმაცია კანონპროექტის შესახებ:

ა.ა) კანონპროექტის მიღების მიზეზი:

კანონპროექტი წარმოადგენს „საქართველოს თავდაცვის შესახებ“ საქართველოს კანონის პროექტის თანმხლებ პროექტს. პროექტით განისაზღვრება, რომ პრეზიდენტი დანიშნავს სახმელეთო ჯარების სარდალს.

ა.ბ) კანონპროექტის მიზანი:

საქართველოს პრეზიდენტი თანამდებობაზე დანიშნავს და თანამდებობიდან გაათავისუფლებს სახმელეთო ჯარების სარდალს.

ა.გ) კანონპროექტის ძირითადი არსი:

მოქმედი რედაქციის მიხედვით საქართველოს პრეზიდენტი თანამდებობაზე ნიშნავს და თანამდებობიდან ათავისუფლებს სახმელეთო ჯარების და სამხედრო-საჰაერო ძალების სარდალებს. გამომდინარე იქიდან, რომ სამხედრო-საჰაერო ძალები შევა სახმელეთო ჯარების შემადგენლობაში პროექტის მიხედვით მე-7 მუხლის მე-5 პუნქტის „დ“ ქვეპუნქტიდან ამოღებული იქნება სამხედრო-საჰაერო ძალები.

ბ) კანონპროექტის ფინანსური დასაბუთება:

ბ.ა) კანონპროექტის მიღებასთან დაკავშირებით აუცილებელი ხარჯების დაფინანსების წყარო

წარმოდგენილი კანონპროექტი არ იწვევს სახელმწიფო საბიუჯეტო ხარჯების ზრდას.

ბ.ბ) კანონპროექტის გავლენა ბიუჯეტის საშემოსავლო ნაწილზე:

კანონპროექტი არ ახდენს ზეგავლენას სახელმწიფო ბიუჯეტის საშემოსავლო ნაწილზე.

ბ.გ) კანონპროექტის გავლენა ბიუჯეტის ხარჯვით ნაწილზე:

წარმოდგენილი კანონპროექტის მიღება არ იწვევს სახელმწიფო საბიუჯეტო ხარჯების ზრდას.

ბ.დ) სახელმწიფოს ახალი ფინანსური ვალდებულებები:

წარმოდგენილი კანონპროექტი არ იწვევს სახელმწიფოს მიერ ახალი ფინანსური ვალდებულებების აღებას.

ბ.ე) კანონპროექტის მოსალოდნელი ფინანსური შედეგები იმ პირობების, რომელთა მიმართაც ვრცელდება კანონპროექტის მოქმედება:

წარმოდგენილი კანონპროექტი არ გამოიწვევს ფინანსურ შედეგებს იმ პირობების, რომელთა მიმართაც ვრცელდება აღნიშნული კანონპროექტის მოქმედება.

ბ.ვ) კანონპროექტით დადგენილი გადასახადის, მოსაკრებლის ან სხვა სახის გადასახდელის ოდენობის განსაზღვრის წესი (პრინციპი)

წარმოდგენილი კანონპროექტით არ ხდება გადასახადის, მოსაკრებლის ან სხვა სახის გადასახდელის განსაზღვრა.

გ.) კანონპროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან;

გ.ა) კანონპროექტის მიმართება ევროკავშირის ღირებულებებთან:
წარმოდგენილი კანონპროექტი არ ეწინააღმდეგება ევროკავშირის ღირებულებებს;

გ.ბ) კანონპროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან:

წარმოდგენილი კანონპროექტი არ უკავშირდება საერთაშორისო ორგანიზაციებში საქართველოს წევრობასთან დაკავშირებულ ვალდებულებებს;

გ.გ) კანონპროექტის მიმართება საქართველოს ორმხრივ და მრავალმხრივ ხელშეკრულებებთან:

კანონპროექტი არ ეწინააღმდეგება საქართველოს ორმხრივ და მრავალმხრივ საერთაშორისო ვალდებულებებს;

დ.) კანონპროექტის მომზადების პროცესში მიღებული კონსულტაციები

დ.ა) სახელმწიფო, არასახელმწიფო ან/და საერთაშორისო ორგანიზაცია/დაწესებულება, ექსპერტები, რომლებმაც მონაწილეობა მიიღეს კანონპროექტის შემუშავებაში, ასეთის არსებობის შემთხვევაში:

აღნიშნული კანონპროექტის შემუშავებასთან დაკავშირებით არ გამართულა კონსულტაციები არც ერთ ზემოთხსენებულ დაწესებულებასთან თუ ექსპერტებთან;

დ.ბ) კანონპროექტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება კანონპროექტის მიმართ, ასეთის არსებობის შემთხვევაში:

კანონპროექტს არ ახლავს ექსპერტის შეფასება;

დ.გ) კანონპროექტის ავტორი:
საქართველოს თავდაცვის სამინისტრო.

დ.დ) კანონპროექტის ინიციატორი

საქართველოს მთავრობა